



## МЕСЯЦА ИЮНЯ В 4-Й ДЕНЬ

**Иже во святых отца нашего Митрофана,  
Патриарха Константины града**

**На Господи, возвах: стихиры, глас 6.**

**Подобен: Всю отложивше:**

**В**есь освящен / Богоносец показася, / помазание  
Божие святое, / Святым Духом обложен, / и  
светло входя вину / во святая святых, / Бого-  
начальными светлостью озаряемь, / благода-  
ти причащаяся Святых Таин, / яко истинный  
святитель преславлен, / со дерзновением моляся / о  
душах наших.

**П**росветися житие твое / добродетельными свет-  
лостью, / верныя просветил еси / и лести тьму  
разгнал еси, / истинное бо явился еси светозарное  
солнце, / святителю преблаженне Митрофане, / и  
ныне вселился еси, / идеже сияет Свет не вечер-  
ний, / и сын дне благодатию Духа Святаго быв. /  
Темже твою Божественную память и  
светоносную / честно совершающе, приснопамят-  
не, / любовь почитаем.

**У**м твой, мановением еже к Богу, / Богомудре,  
верою удобряемь, / светел явися, всеславне: / в  
мертвенном теле и тленном, премудре, / нетлению  
поучився, / притяжал еси Безплотных светлости /  
и страстей вне быв, / безстрастием украшаяся,  
Митрофане, / отче святителю премудре, / светлый  
светильниче / и молитвенниче о чтущих любовь  
память твою.

**Слава, и ныне, праздника или Богородичен:**

**Радуйся, закона исполнение. / Радуйся, храме**

Святѣя Трѳицы, / Невѣсто нетлѣнная. / Рáдуйся,  
 Божѣственное носило всех Царя. / Рáдуйся, огню  
 невещественный, / яко клещá, носящи на рукахъ  
 Твоихъ. Угля, / нѳвѣй раю, вертоградъ затворѣнный, /  
 трапѣза Божѣственная пресвѣтлая, / Голубице несквѣрная,  
 / престѳле Вѣшняго, / одр Божѣственный  
 мѣсленный, / Юже Дух Святѣй, Отроковице,  
 осени.

### Крестобогорѳдичен:

Агница Своего / Агница несквѣрная дрѣвле и  
 непорѳчная Владѣчица / на Крестѣ воздвѣжена  
 яко узрѣ, / мáтерски восклицáше / и, дивящися,  
 вопиáше: / Чáдо сладчáйшее, / чтѳ видѣние сие  
 нѳвое и преслáвное? / Кáко собѳр безблагѳдатный  
 судищу Пилáтову предаде Тя / и осуждáет на  
 смерть всехъ Животá? / Но воспѣваю Твое неизрѣ-  
 чѣнное, Слѳве, схождѣние.

### Тропáрь, гласъ 4:

**П**равило вѣры и ѳбраз крѳтости, / воздержáния  
 Учѣтеля / яви ты стаду твоему / Яже вещейъ  
 Истина. / Сего ради стяжалъ еси смиренѣемъ высѳ-  
 каю, / нищетою богáтую, / ѳтче священноначáльни-  
 че Митрофáне, / моли Христа Бѳга / спастися  
 душáмъ нашимъ.

**Канѳн, егѳже краегранѣсие: Великаго Митрофáна пою славу. Гласъ 6.**

### Песнь 1

**Ирмосъ:** Яко по сѳху, пешешѣствовавъ Израиль /  
 по бѣдне стопáми, / гонителя фараѳна / видя по-  
 топлѣема, / Бѳгу побѣдную песнь / поимъ, вопиáше.

**С** Вѣшними лики яко святитель, яко Бѳжий  
 служитель предстою, / о нас прилѣжно молися, /  
 получи́ти намъ вѣчная благáя молитвами твоими.

**И**збранъ бывъ Гѳспѳдеви служити честнѳму Евáн-  
 гелию, блаженне Митрофáне, / во благоразумѣи  
 люди учѣнии премѳдрыми, ѳтче, возрастилъ еси.

**Рáзумомъ Бѳжиимъ обогáщся, слѳво живѳтное ѳт  
 сѣрдца истѳчилъ еси, / напоюя дѳши, олядѣвшия**

страстьми, / премудре святителю Божий, Митрофане Богоблаженне.

**Богородичен:** Священный лик пророческий проявляше издавеча / хотящую Тя быти Божию истинную Родительницу, Чистая, / вышшую Херувим и всей твари.

### Песнь 3

**Ирмос:** Несть свят, / якоже Ты, Господи Боже мой, / вознесый рог верных Твоих, Блаже, / и утвердивый нас на камени / исповедания Твоего.

Искапая Божественную сладость из устен твоих, отче, / и горькаго безбожия изсушил еси капли, / напоив благочестивых питием Божияго разума, блаженне.

Божиим судом произбран быв, святитель показался еси, / безкровны жертвы Богу принося, пожершемуся нас ради, / отче святителю Митрофане.

Гроб, идеже лежит честное тело твоё, / благовоение источает, яко рай Божий, облагоухая верных, / святителю преславне и всечестне Митрофане.

**Богородичен:** Разумети рождества Твоего, Чистая, / неизреченныя глубины недоумет ум человек: / Бог бо, Себе смилив щедрот ради, / во чреве Твоем всего мя обновй.

### Кондак, глас 2.

**Подобен:** Вышних ищя:

**В** еру Христову ясно ты проповедал еси / и, сию соблюдая, / во множество воистинну возрастил еси верное твоё стадо. / Темже со Ангелы, Митрофане, срадуешися, / Христу моляся непрестанно о всех нас.

### Таже седален, глас 8.

**Подобен:** Премудрости:

Над страстьми царствовав плотскими, святитель явился еси богоподобен / и царствующий град преславно упасл еси, / отгнав полки еретические, преподобне, / палицею словес Божественных, Богодохновенне, / темже по кончине некончаемую благодать достойно наследовал еси, святите-

лю блаженне. / Сего ради вопиём ти: / моли Христа  
Бога грехов оставление даровати / чтущим всече-  
стную твою память.

### **Слава, и ныне, праздника или Богородичен:**

**В** напасти многоплетенная впад от враг види-  
мых и невидимых, / бурю одержим безчисленных  
согрешений моих, / и, яко к теплomu заступлению и  
покрову моему, Чистая, ко пристанищу притекаю  
Твоея благодати. / Темже, Пречистая, Иже из Тебе  
воплощенному без семени / молися прилежно о  
всех рабах Твоих, непрестанно молящих Ти ся,  
Богородице Пречистая, / молящи Его присно сог-  
решений оставление даровати / воспевающим до-  
стойно славу Твою.

### **Крестобогородичен:**

**А**гнца, и Пастыря, и Избавителя Агнца зрящи  
на Кресте, / восклицаше, плачущи, / и, горько  
рыдаючи, вопияше: / мир убо радуется, приемля  
Тобою избавление, / утроба же Моя горит, зрящи  
Твое распятие, / еже терпиши за милосердие  
милости. / Долготерпеливе Господи, милости без-  
дно и источниче неисчерпаемый, / умилисердися и  
даруй согрешений оставление / верою поющим  
Божественная страсти Твоя.

### **Песнь 4**

**Ирмос:** Христос моя сила, / Бог и Господь, /  
Честная Церковь / боголепно поет, взываючи, / от  
смысла чиста о Господе празднующи.

**Т**ы, исполнен Святаго Духа, священный отче  
Митрофане, / лукавые духи от человек отгнал  
еси, / верны же духовными учения твоими сотво-  
рил еси.

**Е**диницу несозданную богословил еси, / Трех  
Лицы разделяему, непресекому и несмесну, / прос-  
вещаая благочестивыя священными богословии  
твоими.

**У**мертвив पहले плотская мудрования воздер-  
жанием и труды, / святитель Божествен показался  
еси / и предстатель Троице всесвящен.

**Богородичен:** Клятва разорися прабабняя То-

бою, Богомати: / Ты бо нам, Пречистая, Источника  
породила еси святыни, / присносущнаго Живота.

### Песнь 5

**Ирмос:** Божиим светом Твоим, Блаже, / утренюющих  
Ти души любовью озари, молюся, / Тя ведети, Слове Божий,  
/ истиннаго Бога, / от мрака греховнаго взывающа.

Божия божественне совершая и чистейшим помыслом  
чистым прикасяся, / непорочен явился еси, служа Богу,  
/ яко Божий святитель священнейший.

Идольстии угодницы быша угодницы Богу твоими  
учении честными, / ихже от недостойных изымая,  
/ достоин явился еси угодник Богу Вседержителю.

Благодатию призван быв, разрушил еси безбожия  
идольская / одождением словес твоих, преподобне,  
/ оляденевшая сердца плодоносна соделал еси Божиею  
благодатию.

**Богородичен:** По рождестве Твоем страннем  
пребыла еси Девою, якоже прежде: / Бог бо бе  
рождейся и претворяяй вся волею, / безмужная  
Марие Богоневестная.

### Песнь 6

**Ирмос:** Житейское море, / воздвигаемое зря напастей  
бурею, / к тихому пристанищу Твоему притек, вопию Ти:  
/ возведи от тли живот мой, / Многомолостиве.

Язык твой, Духом изощрен разумно, яко трость  
скорописца, / написа в сердца благочестивых слово  
благодатное, всесвященне отче, / Божиим мановением.

Божественным поучаяся, яко входя в мысленная  
святаа святых, / верных совершаеши Духом, Тройческою  
зарюю, / священный отче всесовершеннейший Митрофане.

Струями велений твоих заградив мутная нечестивых  
веления, / яко река показался еси мирная, / благочестия  
напоая составления верных, святителю всечестне.

**Богородичен:** Слово во чреве Твоем вселися без

семене, / и Человѣк явѣся совершѣн, обновляя естество боголѣпно, / якоже Сам вѣсть едѣн, Богоприятная Отроковице Всенепорѣчная.

### Конда́к, глас 4.

**Подобен:** Явился еси днесь:

**О**т младенства явился еси чѣстен сосуд, / святитель быв избран Богу, Ему же с весѣлием взывал еси: / равен еси, Христѣ, Отцу и Духу.

### Икос:

**Т**акѣв подобаше нам архиерей, и тайнник Слова, и служитель, / якоже Павел взывает, Божественный орган Христов, / службы принося всегда Богу, яко непорѣчен и чѣстен: / телом убо тленным видимъ обложим, / со Безплотными же бесѣдуя в служении / и людем согрешения отъемля мѣрилом праведным, / якоже великий святитель ныне Митрофан явѣся нам, / проповѣдав со дерзновением: / равен еси, Христѣ, Отцу и Духу.

### Песнь 7

**Ирмос:** *Росодательну убо пещь / содела Ангел / преподобным отроком, / халдеи же опаляющее / веление Божие мучителя увещая вопити: / благословен еси, Боже отец наших.*

**П**росвещаемъ духовною благодатию яже к Божественному мановению причащению, / светодательная был еси звезда, просвещая, мудре, поющия: / благословен Бог отец наших.

**С**вятѣйшая церковь быв, озаряема добродетельными деянии, / живущу имѣл еси в тебѣ, священне, Троицу несозданную, вопия: / благословен Бог отец наших.

**Д**ремание от очию отринув Божественными бодростями, / Божия сияния приял еси от Ангела свѣта, / столп и подпор верным, святителя истинна совершающа тя.

**Богородичен:** *Седяи в недрах Родителя неописан, / в недрах Твоих, Пречистая, ныне сидит описан, Твоим обложен зраком, / за спасение Адамле описан быв.*

## Песнь 8

**Ирмос:** Из пламене преподобным росу источил еси / и праведнаго жёртву водою попалил еси: / вся бо твориши, Христе, токмо еже хотети, / Тя превозносим во вся веки.

Гордаго змия смирением твоим смирил еси, блаженне, / возвышаемь к Богу чистыми твоими разумы, / темже ты чтим, Христа превозносяще во веки.

Воплощенно Слово богословил еси и люди от работных лести спасл еси; / отгоняя идольская нечестия, / отче святителю Митрофане, премудре и Богоносе.

Житие твое Владыце твоему имея подобно и слово житию имея подобящееся, / исполнен быв дней духовных, отче, / в Вышняя прешел еси покаяница.

**Богородичен:** Избавльшеся первыя клятвы Твоим Рождеством, / Преплагословенная Отроковице Богорадованная, / глас Гавриилов возсылаем Ти: / радуйся, вина всех спасения.

## Песнь 9

**Ирмос:** Бога / человеком невозможно видети, / на Негоже не смеют чини Ангельстии взирати, / Тобою же, Всечистая, явися человеком / Слово воплощенно, / Егоже величающе, / с Небесными вои / Тя ублажаем.

В землю кратких ты вселился еси, святителю, краток и незлобив быв, / с Вышними совокупляясь воинствы, весь украшен добродетельными светлостями / и светом добродетелей преодаян.

Зриши Божия и Ангельския светлости, патриарх и мученик, и апостольския красоты, / моля с ними Человеколюбца оставление грехов и жития исправление / даровати нам, преподобне, хвалящим тя.

Яве престол первее украсил еси светло всех председящих градв, / в немже пожив, яко Ангел, и, святительством сей украсив, / помазав, освятил еси, совершив люди богомудры.

**Богородичен:** Якоже капля небесная, / во Твое чрево, Дево, Дождь сниде и изсуши потоки

лестныя, / одожди нетление всем человеком, / и избавление Тобою, Богорадованная, даровася.

### Светилен.

Подобен: Жены, услышите:

Звездю ты многосветлую Церкви знаем, Митрофане святителю, Патриархов светлость: / Ариево бо хуление соборне низложил еси, / православными учениями Церковь уяснив. / Темже верно ты поем.

### Слава, и ныне, Богородичен:

Премудрость Ипостасную, и Слово Пресущное, и Врача душ и телес рождающая, / гноение и язвы души моей исцели лютыя и летныя / и сердца моего устави болезни, Дево.

**Святитель Митрофан, Патриарх Константинопольский**, родился в 208 году в Риме. Его отец Дометий принадлежал к знатному роду; брат Дометия Проб был Римским императором (276—282). Уверовав во Христа, Дометий с семьей покинул языческий Рим и поселился в городе Византии (впоследствии — Константинополь).

Епископ Византии Тит (242—272), муж святой жизни, наставлял Дометия и его сыновей Проба и Митрофана в богоугодной жизни. Видя желание Дометия трудиться ради Господа, епископ Тит рукоположил его во пресвитера. После смерти Тита епископами в Византии были сначала Дометий (272—303), а затем его благочестивые сыновья — Проб (303—315) и Митрофан (315—325).

Святой равноапостольный император Константин Великий (306—337; память 21 мая) полюбил святителя Митрофана за его мудрость и высокую добродетельную жизнь. Святитель пребывал с императором в Риме, пока столица империи не была перенесена в Византию (Константинополь).

В 325 году на Первом Вселенском Соборе в Никее, где была обличена

ересь Ария, святителю Митрофану святыми отцами Собора был присвоен, по ходатайству Константина Великого, титул Патриарха. Таким образом, святитель Митрофан был первым Патриархом Константинопольским. Сам святитель по причине глубокой старости и немощи не присутствовал на Соборе. Вместо него против Ария выступил хор-епископ (викарный епископ) Александр.

За десять дней до смерти святителя Митрофану был открыт день его кончины. Когда после Собора святые отцы пришли навестить лежавшего на одре больного Патриарха, он поведал им о скорой своей кончине и назначил себе преемника — хор-епископа Александра (325—340; память 30 августа).

Патриарх Митрофан имел дар прозорливости: он предсказал, что преемником святителя Александра Константинопольского будет Павел (341—350), который в то время был еще чтецом; преемником Патриарха Александра Александрийского — Афанасий (326—373). Святитель Митрофан скончался в глубокой старости, в возрасте 117 лет. Святые мощи его погребены в храме его имени в Константинополе.





## Святых праведных Марфы и Марии, сестёр праведнаго Лазаря

### Тропарь, глас 3:

**П**раведнаго Лазаря Боголюбивыя сестры, / Марфо и Марие преславныя, / чистым сердцем Христа в житий вашем возлюбили есте, / мироносиц вземше чин, / и Его, яко Сына Божия, безбоязненно исповедали есте, / сего ради ныне во обителях Отца Небеснаго / со Ангелы и всеми святыми славно царствуете. / Умолите, Егже возлюбили есте, / и нам, грешным, в вере и любви Христовой утвердиться / и Царствия Небеснаго сподобитися.

### Молитва

**О** святые и всехвальныя ученицы Христовы, Боголюбивыя Марфо и Марие! Умолите возлюбленнаго вами и вас возлюбившаго Сладчайшаго Иисуса, Егже вы исповедали есте, Христа, Сына Божия, да даст и нам, грешным, грехов оставление, в вере правой нелицемерное и твердое стояние. Вселите в сердца наша дух страха Божия, смиреннаго на Бога упования, терпения и к ближним милосердия. Избавите нас молитвами вашими от искушений житейских, бед и напастей, да, тихое и мирное житие проживше zde, с помыслы непорочными и сердцем чистым, с дерзновением веры и упования предстанем на оный Страшный Суд и, добрый ответ на нем отдавше, радости вечныя в Царствии Небесном сподобимся. **Аминь.**

### Молитва иная, единья жены молящаяся, наипаче в келии наедине чтмая

**О** блаженные и святые жены, верою и любовью Христу Богу последовавшия и во обители Отца Небеснаго вселившияся! К вам ныне аз, грешная, прибегаю и смиренно молю: научите мя и помозите

ми ходіти пред Бóгом путьмі вашими непреткновѣнно и вѣчную кúпно с вами жизнь наслѣдовати.

О Мάρфо праведная, твёрдым исповѣданием вѣры твоея Христу́ угодившая, укрепи́ слабую вѣру мою́. О слúжбе Гóсподу и брáтиям нелицемерне и всеусѣрдне прилежáвшая, помози́ и мне служѣние моѣ безрóпотне и вседушѣвне проходи́ти. Сестру́ твою́ иногда́, в скорби́ сýщу, ко Христу́ воззвала́ еси́, óтай рѣкши: Учитель́ пришёлъ есть и глашáет тя. Ны́не ўбо предстáни мне в трудный́ часъ испытáния вѣры и любвѣ моея́ и в глубинѣ́ сѣрдца возвести́ ми, ꙗко́ Гóсподь Иисусъ незримо́ грядётъ, да путѣмъ испытáний привлечётъ мя к Себѣ! Испроси́ мне, о мáти святáя, у Гóспода нашего́ силу́ и крѣпость, да, востáвши скоро́ притеку́ к Немú, поклоню́ся Ему́ и в смиренней́ любви́ Его́ мир и спасѣние душí обрýщу.

И ты, о Боголюбивая́ Маріе, у ногú Иисусову́ единое́ на потребу́ обрѣтшая, помолі́ся Ему́ благо́ую часть спаса́емых и мне, грѣшней, улучшить́. Мíро благовóнное в даръ благодарѣнія Христу́ Жизнодáвцу принѣсшая, умоли́ ны́не Его́ и душí моѣй подáти мíро молíтвы и пока́нныя слѣзы, чистоты́ и дóбрыхъ делъ благоухáние, тáко да во обновлённое́ все́ми сими́ сѣрдце моѣ́ Гóсподь при́дет и обíтель Себѣ сотвори́т.

К вам, о святы́я праведныя́ жены́, Мάρфо и Маріе, припадаю́ и смиренно́ молю́: не оставите́ мя в дни́ тяжкихъ испытáний, да не соблазну́ся тлѣнными́ и красными́ мíра сего́, наипáче же в часъ горький́ разлучѣния душí моѣй с тѣломъ предстáните мне и óбщаго Влады́ку нашего́ умолите́, да при́зрит на мя в оскудѣнии́ силъ мо́ихъ мíлостивымъ óкомъ и, прости́в вся прегрѣшѣния́ моя, возстáвит мя к жízни́ нескончáемей в блажѣнныхъ обíтеляхъ Отца́ Небѣснаго. **Аминь.**

**Праведные сестры Марфа и Мария** уверовали во Христа еще до воскресения Им их брата Лазаря. По убиении святого архидиакона Стефана, наступлении гонения на Церковь Иерусалимскую и изгнании правед-

ного Лазаря из Иерусалима, они помогали своему святому брату в благовествовании Евангелия в разных странах. О времени и месте их мирной кончины сведений не сохранилось.